

Panggilan Tiga Malaikat untuk Berdoa

HARI 9 — TANDA BINATANG DAN DOA

"Setelah itu, aku mendengar suara orang yang amat banyak di syurga berseru lantang, "Haleluya! Penyelamatan dan kemuliaan dan kuasa bagi Allah kita! Kerana segala penghakiman-Nya benar dan adil, kerana Dia telah menghakimi pelacur besar yang telah mencemarkan dunia dengan perzinaannya; dan Dia telah menghukumnya kerana menumpahkan darah hamba-hamba-Nya!" Mereka berkata lagi, "Haleluya! Asap api yang membakarnya naik menjulang selama-lamanya!" Dua puluh empat orang tua-tua dan empat makhluk itu pun sujud menyembah Allah yang bersemayam di atas takhta sambil berkata, "Amin! Haleluya!" Kemudian kedengaran suara dari takhta berkata, "Pujilah Allah kita, hai kamu sekalian hamba-Nya dan orang yang takut akan Dia, baik yang kecil mahupun yang besar!"— Wahyu 19:1-5 (AVB)

Satu Amaran Keras

Perkhabaran tiga malaikat yang ketiga dan terakhir adalah salah satu amaran yang sangat keras di dalam Alkitab. Ia cenderung untuk diabaikan oleh ramai orang namun ia menyatakan kebenaran-kebenaran rohani yang mengubah kehidupan di mana berbicara kepada keperluan-keperluan kita yang paling mendalam dan membawa kita lebih dekat kepada Yesus. Rasul Yohanes menuliskan, "Mereka diikuti oleh satu lagi malaikat yang berkata dengan suara lantang, "Jika sesiapa menyembah binatang itu dan patungnya, dan menerima tandanya di atas dahi atau tangan, dia juga akan minum air anggur kemurkaan Allah, yang dituangkan tanpa ditambah air ke dalam cawan murka-Nya itu. Dia akan dikenakan azab api dan belerang di hadapan para malaikat yang suci dan di hadapan Anak Domba"" (Wahyu 14:9, 10).

Prinsip pertama yang mengubah kehidupan tentang amaran ini adalah ia berasal daripada hati Tuhan pengasih yang mengingini lebih daripada segala sesuatu yang lain untuk menyelamatkan kita di dalam kerajaanNya. Ini merupakan suatu perkhabaran ilahi tentang amaran supaya umat Tuhan tidak akan terperangkap dengan tipu daya yang akan datang.

Kedua, ia melibatkan penyembahan. Malaikat itu berkata, "Jika sesiapa menyembah binatang itu." Ini bertentangan langsung dengan perkhabaran malaikat pertama di dalam ayat 7 untuk menyembah Sang Pencipta. Menyembah Pencipta membawa para pengikut Kristus yang setia untuk menyahut kasihNya, mempercayai kasih kurniaNya yang menyelamatkan, menjadi penurut kepada FirmanNya dan memelihara perintah-perintahNya. Menyembah binatang itu membawa orang untuk menghidupkan kehidupan yang berpusatkan kepada diri sendiri tanpa bergantung kepada Tuhan dengan tidak menuruti perintah-perintahNya. Ia menumpukan kepada diri sendiri lebih daripada Yesus.

Binatang di Dalam Kita

Perkhabaran daripada malaikat ketiga berbicara tentang satu masa yang akan datang apabila gereja dan negara akan bersatu di bawah kekuasaan kepausan untuk menguatkuasakan penyembahan pada hari pertama dalam minggu. Perkhabaran terakhir tiga malaikat itu adalah satu panggilan kepada doa yang sungguh-sungguh dan tulus ikhlas. Prinsip antikristus—keangkuhan lebih daripada rendah hati, memuliakan diri sendiri lebih daripada mengorbankan diri demi kebaikan orang lain dan mempercayai hikmat kebijaksanaan manusia lebih daripada ilham ilahi tulisan Alkitab—tertanam sangat dalam di dalam sifat kita yang jatuh dalam dosa. Apakah penyelesaian kepada prinsip-prinsip binatang yang berada di dalam kita? Hanya ada satu penyelesaian dan ianya adalah Yesus—limpah kurniaNya, kuasaNya, kasihNya memenuhi

hati dan kehidupan kita. Melainkan komitmen kita kepadaNya lebih kuat daripada daya tarikan dunia, kita akan dikuasai oleh prinsip-prinsip binatang itu hari ini dan suatu hari nanti akan menerima tanda binatang tersebut. Amaran terhadap tanda binatang di dalam perkhabaran tiga malaikat seharusnya mendorong kita untuk bertelut dengan kerendahan hati berserah kepada Kristus, memohon RohNya untuk menyucikan kita sepenuhnya dari dalaman dan mengerjakan keajaiban kasih kurnia ilahi di dalam hati kita. Ia harus juga memimpin kita untuk mendoakan bagi keluarga, sahabat handai dan jiran tetangga kita supaya mereka juga akan mempunyai hati yang terbuka kepada perkhabaran akhir zaman Kristus yang menyelamatkan. Perkhabaran ini seharusnya memotivasikan kita untuk menantikan hari apabila kita akan bersukacita dengan Kristus di sekeliling takhtaNya untuk selama-lamanya (Wahyu 19:1-5).

Waktu Berdoa (30-45 Minit)

Mendoakan Firman Allah – Wahyu 14:9, 10

"Mereka diikuti oleh satu lagi malaikat yang berkata dengan suara lantang, "Jika sesiapa menyembah binatang itu dan patungnya, dan menerima tandanya di atas dahi atau tangan, dia juga akan minum air anggur kemurkaan Allah, yang dituangkan tanpa ditambah air ke dalam cawan murka-Nya itu. Dia akan dikenakan azab api dan belerang di hadapan para malaikat yang suci dan di hadapan Anak Domba."

"Jika Sesiapa Menyembah Binatang Itu dan PatungNya"

Tuhan, Engkau adalah Tuhan yang memerhatikan dan Tuhan yang menginginkan semua orang diselamatkan dan tidak hilang. Begitu ramai orang melihat kepada agama-agama tidak benar, falsafah-falsafah yang diputarbelitkan dan idola serta patung zaman moden sebagai sumber kekuatan mereka dan kepuasan bagi kehancuran di dalam kehidupan mereka. Kami bersyukur kepadaMu kerana Engkau begitu peduli untuk memberikan amaran kepada mereka dan kami dapat memainkan peranan dalam memimpin mereka kepada Yesus sebagai satu-satunya Juruselamat sejati yang layak disembah.

"Kemurkaan Allah"

Tuhan, ianya memberikan kami penghiburan yang besar di mana Engkau mempunyai kemurkaan kudus terhadap dosa, kejahatan dan kezaliman. Terima kasih kerana Engkau mahu membinasakan dosa buat selama-lamanya dan akan mendirikan semula kasih, kedamaian dan keharmonian sempurna di alam semesta suatu hari nanti. Terima kasih kerana Engkau menunjukkan kami dengan jelas melalui Yesus bahawa Engkau tidak mahu menghukum orang tetapi menyelamatkan mereka. Terima kasih kerana memberikan setiap manusia satu pilihan dan peluang untuk merangkul keselamatan di dalam Kristus. Selamatkanlah dan lindungi kami daripada mengikuti prinsip antikristus tentang meninggikan diri dan kesombongan. Sebaliknya, pimpin kami untuk mengikuti Anak Domba ke manapun Dia pergi.

"Di Hadapan Anak Domba"

Yesus, ianya memberikan kami penghiburan besar untuk mengetahui bahawa pada penghakiman terakhir, ia akan menjadi bukti bahawa tawaran kasih kurnia dan keselamatanMu tidak terpisah daripada keadilan. Terima kasih kerana menanggung hukuman ke atas diriMu bagi semua orang yang berserah kepadaMu. Terima kasih kerana sesukar manapun untuk menyaksikan kebinasaan bagi mereka yang memilih untuk berpaut kepada dosa, setiap orang akan mengakui bahawa Engkau telah pun berlaku adil, saksama dan berbelas kasihan dalam segala tindakanMu.

Cadangan Lanjutan Doa

Kesyukuran dan Pujian: Berikan kesyukuran bagi berkat-berkat tertentu dan puji Tuhan kerana kebaikanNya.

Pengakuan: Ambil beberapa minit untuk pengakuan peribadi dan bersyukur kepada Tuhan kerana pengampunanNya.

Bimbingan: Minta Tuhan untuk menganugerahkan kebijaksanaan bagi menghadapi cabaran dan keputusan semasa.

Gereja Kita: Berdoa bagi keperluan-keperluan gereja di peringkat wilayah dan sedunia (lihat lembaran berasingan yang berkaitan dengan permintaan).

Permintaan Setempat: Berdoa bagi keperluan-keperluan para anggota gereja, keluarga dan jiran tetangga.

Mendengar dan Menyahut: Ambil masa untuk mendengar suara Tuhan dan menyahutnya dalam pujian atau lagu.

Cadangan Lagu

SDA Hymnal: All That Thrills My Soul (#189); Soldiers of Christ, Arise (#616); O Brother, Be Faithful (#602); On Jordan's Stormy Banks (#620)

LPMI: Ku Puji Tuhan Yang Jadikan (#49); Sembahlah Raja Yang Maha Mulia (#6); Hai Pujilah Nama Yesus (#66); Jagalah Hai Orang Saleh (#91)